

10. novembre 1615.

Dix

DECLARATION

DV ROY, SVR LA PRISE
des armes par aucuns de ses sujets
de la Religion pretendüe reformée,
Portant nouvelle confirmation
des Edicts & Declarations cy-
deuant faites en faueur de ceux de
ladite Religion.

*Donnée à Bourdeaux le 10. Novembre 1615. &
publiée à Paris en Parlement le septième.
Decembre audit an.*



A P A R I S,

Par A. ESTIENE, Premier Imprimeur &
Libr. ordinaire du Roy, ruë S. Iacques, au
College Royal, deuant S. Benoist.

M. DC. XLIV.
Avec Privilege de sa Majesté.



OVIS par la grace de Dieu Roy de France & de Navarre, A tous ceux qui ces sentes Lettres veiront, Salut. Les Declarations faites & reïterées par nous, depuis nostre aduenement à la Cou-

ronne, pour confirmer les Edicts, Declarations, Breuets, Arrests, & Reglemens faits en faueur de nos subjets de la Religio pretenduë reformée, durant le regne du feu Roy Henry le Grand, nostre tres-honoré Seigneur & Pere, que Dieu absolue, ont assez fait conpoistre que nostre intention & vouloir a tousiours esté de les faire garder inuiolablement, comme Loix necessaires, pour maintenir tous nos subjets en paix & amitié les vns avec les autres, & en obeïssance & deuoir enuers nous. Ce qu'ayant esté bien & sagement consideré par la Reyne, nostre tres-honorée Dame & Mere, elle auroit durant sa Regence pris vn grand soin de les faire obseruer, & de pouruoir, à ce que les contrauentions fussent réparées au mesme temps qu'elle en receuoit les plaintes: Nous auons aussi depuis nostre Majorité suiuy le mesme Conseil, & adjousté à son exemple de nouuelles gratifications & bien-faits, dissimulé mesme bien souuent des excez & violences commises par aucuns d'eux, qui meritoient grande & seuerre punition, en intention de

les assurer tousiours de la continuation de nostre bien veillance & faueur, & par ce moy en les rendre plus enclins & affectionnez à se maintenir en leur deuoir. A quoy s'ils eussent voulu ioin-
dre la souuenance des bons & fauorables traitemens qu'ils ont receu du feu Roy, nostre tres-honoré Seigneur & Pere, à la memoire duquel ils doiuent l'affermissement de leur liberté, & de l'exercice de leur Religion, dont ils iouissent en toute seureté; ils eussent par vne gratitude loüable, & le deuoir d'une entiere obeissance & fidelité, reconnu enuers nous toutes ces obligations; lors mesme que l'innocence & foiblesse de nostre bas âge a deu exciter la vertu, le courage, & la fidelité de tous nos bons subjets, pour defendre & conseruer l'autorité que Dieu nous a donnée; de laquelle seule depend la seureté publique, & le salut particulier d'un chacun. Cette conduite neantmoins, quoy que pleine de bonté & douceur, n'a pas profité enuers tous, plusieurs s'estans esleuez en armes contre nous, pour fauoriser le mouuement commencé par nostre Cousin le Prince de Condé: Entre lesquels, les vns se seruent de la Religion, comme d'un pretexte specieux, pour couvrir & cacher leur ambition & furieux desir de s'accroistre dans les desordres & ruines de l'Estat; les autres ont esté trompez & seduits par de fausses impressions & vaines craintes, que ces premiers leur ont donné, qu'ils estoient en danger de souffrir persecution, s'ils ne prenoient promptement les armes avec eux pour s'en garantir, faisant accroire, pour mieux

surprendre leur simplicité, qu'avec les Mariages,
 d'Espagne, Articles secrets auoient esté accordez,
 & conjuration faite de les chasser du Royaume,
 ou exterminer du tout. Ce qu'ayât esté creu trop
 legerement par eux, ils se sont precipitez en cette
 entreprise, estimans y estre contrainsts pour leur
 iuste & necessaire defense; qui rend leur faute ex-
 cusable, & plustost digne de commiseration que
 de peine. Mais ils ne fussent tombez en cét in-
 conuenient, s'ils eussent mieux consideré, que ce
 mensonge impudent & malicieux, estoit sans ap-
 arence de verité, n'y ayant personne si priuée
 de sens & de iugement, qui puisse croire, les Al-
 liances ayant esté recherchées par voyes d'hon-
 neur, d'une part & d'autre, ainsi qu'il est accou-
 stumé entre grands Princes, on ait desiré & re-
 quis de nous des conditions, qui ne pouuoient
 estre accomplies, sans mettre feu & le sang dans
 le Royaume, & y faire des deserts & solitudes;
 comme il fust aduenü sans doute, en rompant les
 Edicts de Pacification, & faisant vn si rude & in-
 iuste traitement à nos subjets de ladite Religion,
 que ceux-cy publient par vn mensonge controu-
 ué artificiellement, & à tres-mauuais dessein.
 Car rien n'a esté fait en secret, en la poursuite &
 resolution de ces Aliances, tout y a esté public,
 veu, communiqué, conclu & arresté avec feu
 nostre Cousin le Comte de Soissons, Prince sa-
 ge, d'aage mûr, & de grande experience; avec
 nostre Cousin le Prince de Condé, & les autres
 Princes, Seigneurs, Officiers de la Couronne,
 & plus notables Personnes de nostre Conseil.

qui estoient lors prés de nous. Entre lesquels nostre Cousin le Marechal de Boüillon s'y est aussi tousiours trouué, ayans tous ensemble d'un mesme aduis approuué ces Alliances, sans qu'un seul d'eux y ait contredit, combien qu'il leur fust libre (l'affaire estant entiere, & au commencement de sa deliberation) de sentir & dire ce que chacun d'eux estimoit en sa conscience estre plus vtile pour le bien du Royaume, soit en les conseillant, ou les dissuadant, sans crainte de nous offenser, ou d'encourir nostre mauuaise grace : d'autant qu'il n'y auoit aucun preiugé en l'esprit de la Roynes, lors regente, ny au nostre, mais seulement vn desir d'estre esclaircis de ce qui nous seroit plus expedient de faire en vne deliberation de si grande importance. Tous les Souuerains, qui pensent auoir interest à conseruer ce Royaume en son ancienne reputation, grandeur & dignité, ayant aussi reconnu ces Alliances n'auoir esté faites à mauuais dessein, n'en ont pris aucun soupçon ny defiance, apres auoir esté bien informez, que nostre intention estoit de les faire seruir tant qu'il nous seroit possible, à la manutention de la Paix par toute la Chrestienté, non d'aucune entreprise & inuasion sur les Pais & Estats de quelques Princes & Souuerains que ce soit, & moins encores pour interrompre & troubler la Paix & le repos, dont tous nos subjets iouissent si heureusement auant que ce mouuement fust comméce. Et neantmoins ceux de ladite Religion pretendüe reformée qui ont prins les armes, ne laissent de dire & publier tousiours qu'il

y a secrette intelligence entre France & Espagne, pour entreprendre leur ruine, voulans faire accroire à tous nos subjets, que nous sommes si peu confiderez, de vouloir consentir & approuuer, que la France serue de theatre pour y jouier cette sanglante tragedie, qui deura decider par les armes les differens qui sont en la Religion, encore que nous soyons du tout esloignez de ce Conseil, & que nous estimions au contraire le iugement de cette querelle deuoit estre delaissee à Dieu seul, qui sçaura bien vser quand il sera temps, pour sa gloire & nostre salut, des remedes propres & conuenables pour estre seruy & adoré par tous les Chrestiens selon la pureté de sa doctrine, & en la vraye Eglise, que nous croyons estre la Catholique, Apostolique & Romaine, de laquelle nous faisons profession, & en laquelle (moyennant sa grace) nous voulons viure & mourir. Mais ces artifices inuentez pour déguiser & couvrir leur rebellion, n'ont pas trompé & seduit les plus sages, & les gens de bien, qui ne font profession de la mesme Religion que par conscience, & comme pensant y trouuer leur salut, non par faction : lesquels, en grand nombre, tant Seigneurs, Gentils-hommes, Villes, Communautéz, qu'autres particuliers de toutes qualitez, blasment & detestent la malice & temerité de leur entreprise, & ont déclaré publiquement, tant de bouche que par escrit, qu'elle doit estre tenuë pour vne pure & vraye rebelliõ, non pour querelle de Religion, Nous ayant à cette occasion offert comme bons, vrais & loyaux subjets,

tout service de leurs biens & de leurs vies contre eux, s'ils ne veulent retourner à résipiscence; A quoy ils les exhortent tous les iours, & y adjoûtent les menaces de prendre les armes avec nous, pour aider à leur ruine, pourveu qu'il nous plaise les faire iouir du bénéfice des Edicts, & prier seulement de cette grace ceux qui s'en sont rendus indignes. Mais ces remonstrances & menaces n'ont de rien seruy enuers eux, non plus que celles des habitans de la plus part des Villes & Places qui leur ont esté laissées en garde, qui en ont fait autant, & protesté aussi publiquement de ne vouloir adherer à leur rebellion: Car au lieu de se retirer de leur mauuais dessein; ils ont dit insolemment, que ceux de leur Religion qui ne les ont voulu suivre iusques icy, seront en fin contrains de le faire; crainte qu'en les laissant perdre & souffrant leur ruine, ils ne s'affoiblissent & mettent en danger eux-mesmes. Condition & seruitude qui seroit trop miserable & dangereuse pour les gens de bien, s'ils estoient forcez de faire mal contre leur volonté, leur conscience & deuoir, pour plaire à ceux qui n'ont pour but, que leur ambition & interest particulier. Nous esperons mieux toutesfois de leur vertu & fidelité, & qu'ils demeureront si fermes & constans en l'affection qu'ils doiuent à nostre service, que leur résistance & la continuation de leur loyauté, auront assez de force pour contraindre les autres à se desister de leur entreprise, quoy que pour la justifier & fortifier, ils supposent des resolutions & Decrets d'Assemblée.

semblée.

semblées générales, qui ne furent oncques; mais
bien quelques conuenticules & Assemblées illi-
cites d'aucuns particuliers choisis & apoltez par
eux, lesquels sans charge ny pouuoir, & bien
souuent contre la volonté & Declaration ex-
presse contenüe aux procurations & mande-
mens de ceux qui les ont deputez, adherent aux
propositions de ces factieux, qui pretendent
s'en seruir au dommage & grand preiudice des
plus gens de bien de leur Religion. N'estant
donc nostre intention d'imputer à tous la faute
de quelques particuliers; Nous de l'aduis de la
Reyne nostre tres-honorée Dame & Mere, des
Princes, Seigneurs, Officiers de la Couron-
ne, & autres Personnes notables de nostre
Conseil estans près nous, & de nostre plaine
puissance & autorité Royale, Auons dit, dé-
claré, & ordonné; disons, déclarons, & or-
donnons, voulons & nous plaist, conformé-
ment à ce que nous auons desia cy-deuant &
par plusieurs fois ordonné, que l'Edict de Nan-
tes verifié en tous nos Parlemens, fait en fa-
ueur de nos sujets de la Religion pretendue ré-
formée, par le feu Roy nostre tres-honoré Sei-
gneur & Pere, Ensemble les autres Articles,
Declarations, Reglemens faits, & Arrests don-
nez sur l'interprétation, ou execution, & en
conséquence d'iceluy Edict, par luy & durant
son regne, ou par nous depuis son decez, soient
entretenus & inuiolablement gardez & obser-
uez, ainsi qu'il a esté fait & ordonné iusques à

present. Et si en quelques endroits du Royau-
me il y a eu des contrauentions, qu'elles soient
entierement réparées, en sorte qu'il n'y ait rien
à desirer de nostre part. Voulons en outre, en
consideration & faueur de la fidelité qui nous a
esté gardée par vn nombre infmy de nos bons
subjets de ladite Religion, entre lesquels il y en
a des principaux & de plus grande qualité, qui
meritent bien vn singulier tesmoignage de nostre
bien-veillance, que les offenses qui nous ont
esté faites par ceux de la mesme Religion qui ont
pris les armes contre nous, ou qui les ont assi-
stés & fauorisés en quelque façon que ce soit,
jouissent pareillement du benefice de nos Edicts,
& soient rendus participans de cette grace, tout
ainsi que s'ils estoient demeurez en leur deuoir,
pourueu que dans vn mois apres la publication
qui sera faite de ces presentes en chacun de nos
Parlemens, ils declarent au Greffe du Bailliage
& Seneschaussée, au ressort de laquelle ils ont
leur demeureance, qu'ils se desistont & departent
du tout de ladite entreprisede; pour nous rendre fi-
dellement le seruice qu'ils doiuent, sans plus
adherer, assister ou fauoriser en quelque façon
que ce soit, ceux qui voudront persister en leur
rebellion: Et qu'ils remettent aussi les places
par eux occupées au mesme estat qu'elles sou-
loient estre auant ce mouuement. Ce qu'ayant
fait, & n'y contreuenans apres, Nous les auons
pris & mis, prenons & mettons en nostre pro-
tection: Et faisons inhibitions & defenses à

tous nos subjets de quelque qualité qu'ils soient, de leur melfdire ny meffaire, de faict, ou de paroles, à l'occasion des choses passées, & à nos Procureurs Generaux d'en faire aucunes poursuites contre eux, voulans que tout le passé soit oublié & aboly, comme nous l'abolissons par cesdites présentes. Mais si apres ledit temps d'un mois expiré, ils cotinuent encor en leur premiere rebellion, soit en portant les armes, ou assistant & fauorifant en quelque maniere que ce soit, ceux qui les auront prises, Nous voulons qu'ils soient pourfuiuis & punis comme criminels de leze Majesté, & perturbateurs du repos public; Et que les Villes & Communautéz qui y adhereront, soient aussi descheuës de toutes graces, immunitéz & Priuileges, dont ils auoient ioüy en vertu des concessions à eux faites par les Roys nos predecesseurs, ou par nous, comme s'en estans rendus indignes. Ce que nous enjoignons à nos Procureurs Generaux, & leurs Substituts, de faire en toute diligence; & à nos Parlemens, de proceder contre eux avec le mesme soin & affectioin: Comme aussi à nos Gouverneurs & Lieutenans Generaux, de prester la main forte à l'execution des Arrests & Iugemens qui seront donnez contre eux, sans souffrir qu'ils ioüissent aucunement de la grace & liberté qui leur a esté accordée par les Edicts faits en faueur de nos subjets de ladite Religion, dont ils se seront rendus indignes par cette malicieuse perseuerance en leur rebellion.

B ij

SI DONNONS EN MANDEMENT à nos amez & feaux les Gens tenans nos Cours de Parlement, Chambre de l'Edict, Baillifs, Seneschaux, ou leurs Lieutenans, & tous autres nos Iusticiers & Officiers qu'il appartiendra, chacun endroict soy, que ces presentes nos Lettres de Declaration, ils facent lire, publier & enregistrer, & le contenu en icelles garder, entretenir, observer & executer de point en point, selon leur forme & teneur, sans permettre ny souffrir qu'il y soit aucunement contrenu. Enioignons en outre à nosdits Procureurs Generaux, & leurs Substituts, y tenir la main de leur part, & satisfaire à ce qui dependra du deuoir de leurs charges, pour l'effect de nostre volonté & intention cy-dessus mentionnée : C A A tel est nostre plaisir. En tesmoin dequoy, nous auons fait mettre nostre seal à celdites presentes. DONNÉ à Bourdeaux le dixième iour de Novembre, l'an de grace mil six cens quinze, Et de nostre regne le sixième.

Ainsi signé, LOUIS.

Et plus bas, Par le Roy,

DE LOMENIE.

Et scellée sur double queue du grand seau en cire jaune.

Leuës, publiées & registrées, ouy & ce requerant le Procureur General du Roy, ordonne que copies seront enuoyées aux Bailliages & Seneschaussées,

*pour y estre leuës, publiées & registrées à la diligence
des Substituts du Procureur General du Roy, aus-
quels enioint certifier la Cour de leurs diligences au
mois, à peine d'en respondre en leurs noms. A Pa-
ris en Parlement, le septièmes Decembre mil six
cens quinze.*

Signé, DV TILLET.

SI DONNONS EN MANDEMENT à nos amez & feaux les Genstenans nos Cours de Parlement, Chambre de l'Edict, Baillifs, Seneschaux, ou leurs Lieutenans, & tous autres nos Iusticiers & Officiers qu'il appartiendra, chacun endroict soy, que ces presentes nos Lettres de Declaration, ils facent lire, publier & enregistrer, & le contenu en icelles garder, entretenir, observer & executer de poinct en poinct, selon leur forme & teneur, sans permettre ny souffrir qu'il y soit aucunement contrenu. Enjoignons en outre à nosdits Procureurs Generaux, & leurs Substituts, y tenir la main de leur part, & satisfaire à ce qui dependra du deuoir de leurs charges, pour l'effect de nostre volonté & intention cy-dessus mentionnée : CAR tel est nostre plaisir. En tesmoin dequoy, nous auons fait mettre nostre seal à celsdites presentes. DONNÉ à Bourdeaux le dixième iour de Novembre, l'an de grace mil six cens quinze, Et de nostre regne, le sixième.

Ainsi signé, LOUIS.

Et plus bas, Par le Roy,

DE LOMENIE.

Et seellée sur double queue du grand sceau en cire jaune.

Lesdits, publiés & registrés, ouy & ce requérant le Procureur General du Roy, ordonne que copies seront enuoyées aux Bailliages & Seneschaussées,

*pour y estre leuës, publiées & registrées à la diligence
des Substituts du Procureur General du Roy, aus-
quels enioint certifier la Cour de leurs diligences au
mois, à peine d'en respondre en leurs noms. A Pa-
ris en Parlement, le septièmes Decembre mil six
cens quinze.*

Signé, DV TILLET.

THE CONFERENCE OF THE
PRESIDENT OF THE UNITED STATES
AND THE VICE PRESIDENT
OF THE UNITED STATES
AT THE WHITE HOUSE
WASHINGTON, D. C.
JANUARY 1, 1901

THE CONFERENCE OF THE